

6. Ibyerekeye feri ya velomoteri, amapikipiki n'ibimyamitende 3 cyangwa 4

Buri velomoteri n'ipikipiki, ikinyamitende 3 cyangwa 4, *bigomba* kugira ibyuma byo guhagarara kimwe nibura gifunga inziga z'inyuma indi ikaba ifunga byibura inziga z'imbere.

Iyo icyo kinyabiziga gifite akanyabiziga ko ku ruhande, uruziga rwako ntirugomba feri.

Uburyo bwo gufunga feri bugomba gutuma ikinyabiziga kigenda buhoro cyangwa gihagarara ku buryo bwizewe, bwihuse kandi nyabwo uko cyaba cyikoreye kose cyangwa kigeze ahacuramye cyangwa ahaterera.

7. Ibivugwa kuva ku gika cya mbere kugeza ku gika cya gatandatu cy'iyi ngingo ntibikurikizwa:

- a) *Ku tumodoka tw'abana n'utw'ibimuga* cyangwa tw'abarwayi tugendeshwa n'undi muntu;
- b) *K'utunyabiziga dusunikwa twikorera uburemere butarenga kg 150;*
- c) *Kuri za romoruki zifite umutambiko umwe ngusa n'uburebure ntarengwa bwemewe butarenga kg 500* nabwo butarenga ½ cy'uburemere bwite bw'ikinyabiziga gikurura;
- d) Ku binyabiziga bikururwa n'inyamaswa bifite ibizigabibiri byikoreye ubureme butarenze kilogarama 1.000 kandi ikibizirikanije kiba giteye kuburyo kuburyo ikinyabiziga gihagarari icyarimwe n'inyamaswa igikurura.

3.7. UMUTWE WA VII. AMATARA Y'IBINYABIZIGA N'IBIMENYETSO BIRANGA IBINYABIZIGA N'INYAMASWA

3.7.1. ICYICIRO CYA I. Amategeko rusange

Ingingoya 75.

1. Amatara yaburi kinyabiziga agomba kuba ateye kuburyo ntatara na rimwe cyangwa agarururumuri bitukura Byaboneka kuruhande rw'imbere rw'ikinyabiziga uretse itara ryo gusubira inyuma n'aranga icyere kezo.
2. Amatara n'utugarura urumuri bigomba gushyirwaho kuburyo ntagice na kimwe cy'ikinyabiziga cyangwa cy'imizigo cyabangamira ibonesha nyabyo.
3. *Ikinyabiziga ntigishobora kugira amatara abiri yubwoko bumwe kereka kubyerekeye itara ndanga mubyimbacyangwa itara ndanga burumbarere n'itararyerekana icyerekezo.*
4. *Iyo ikinyabiziga gifite amatara abiri cyangwa menshi y'ubwoko bumwe, ayo matara agomba kugira ibara rimwe n'ingufu zingana;* kandi akagomba gushyirwaho ku buryo buteganye uherye ku murongo ugabanya ikinyabiziga mo kabiri mu burebure bwacyo. Ibimaze kuvugwa ntibikurikizwa ku byerekeye itara ribonesha iyapa kiranga numero y'ikinyabiziga inyuma.
3. *Utugarururumuri turi kuruhande rw'imbere rw'ikinyabiziga tugomba gusa n'umweru utw'inyuma tugasa n'umutuku, naho utwo mu mbavu tugasa n'umuhondo cyangwa icunga rihishije.*
4. Amatara menshi y'ubwoko budahuje Kimwe n'amatara n'utugarura rumuri bishobora gushyirwa ahantu hamwe cg mu kintu Kimwe amurikiramo, buri tara na buri kagarururumuli bipfa kuba bikurikije amategeko abyerekeye kandi ku buryo budashobora kujijisha.
5. Nta tara na rimwe cyangwa akagarura rumuri bishobora kuba bifunze ku buryo igice cyabyo cyo hasi cyane kimurika kitaba kiri hasi ya santimetero 40 kuva ku butaka, igihe ikinyabiziga kidapakiye. Ibimaze kuvugwa nti bikurikizwa ku matara kamenabihu no kw'itara ryo gusubira inyuma.